



Na osnovu člana 15. stav (1) tačka c) Zakona o novčanim podsticajima u poljoprivredi na području Kantona Sarajevo ("Službene novine Kantona Sarajevo", br. 1/12 i 13/15) i Odluke o iznosima novčanih podsticaja, minimalnim uslovima za početak proizvodnje, minimalnim uslovima za investiranje i rokovima podnošenja zahtjeva za 2019. godinu ("Službene novine Kantona Sarajevo", broj 17/19), Ministarstvo privrede Kantona Sarajevo objavljuje

JAVNI POZIV
za sufinansiranje učešća poljoprivrednika na sajmovima i drugim manifestacijama iz oblasti poljoprivrede

Pozivaju se zainteresovani poljoprivrednici i udruženja iz oblasti poljoprivrede i prehrambene privrede sa područja Kantona Sarajevo da se prijave na Javni poziv za sufinansiranje učešća na sajmovima i drugim manifestacijama iz oblasti poljoprivrede.

Ministarstvo privrede će sufinansirati zakup izložbenog uređenog prostora, troškove smještaja i troškove prevoza u periodu trajanja sajma ili druge manifestacije.

1. Osnovni uslovi:

- pravo učešća imaju registrovana pravna i fizička lica i udruženja;
- da su registrovani na području Kantona Sarajevo;

2. Potrebna dokumentacija:

Za registrovano fizičko lice

- zahtjev za učešće;
- original ili ovjerena kopija rješenja nadležnog općinskog organa.

Za pravno lice

- zahtjev za učešće;
- original ili ovjerena kopija aktuelnog izvoda iz sudskog registra ili rješenje Ministarstva pravde i uprave Kantona Sarajevo za udruženja.;
- uvjerenje nadležne poreske uprave da nema neizmirenih obaveza po osnovu javnih prihoda.

Zahtjev za učešće treba da sadrži osnovne podatke o podnosiocu zahtjeva (naziv, adresa, ime i prezime ovlaštene osobe i kontakt telefon), opis djelatnosti i rezultate rada u prethodnom periodu, kao i specifikaciju proizvoda koje će podnosilac zahtjeva izložiti, sa foto dokumentacijom ili promotivnim materijalom.



Sa odabranim kandidatima Ministarstvo privrede će zaključiti ugovore o sufinansiranju.

Rok za prijavu je 15 dana od dana objavljivanja Obavještenja u dnevnim listovima “ Avaz” i “Oslobođenje”, a tekst Javnog oglasa će biti objavljen na web stranici Vlade Kantona Sarajevo: <http://vlada.ks.gov.ba> i Ministarstva privrede Kantona Sarajevo: <http://mp.ks.gov.ba>

Zahtjevi za učešće na Javnom pozivu podnose se Ministarstvu privrede Kantona Sarajevo, Sarajevo, ul. Reisa Džemaludina Čauševića br. 1, lično na protokol ili preporučenom poštom sa naznakom “Zahtjev po Javnom pozivu za sufinansiranje poljoprivrednika na sajmovima i drugim manifestacijama iz oblasti poljoprivrede”.

Nepotpuni i neblagovremeni zahtjevi neće se razmatrati.



web: <http://mp.ks.gov.ba>
e-mail: mp@mp.ks.gov.ba
Tel: + 387 (0) 33 562-121, + 387 (0) 33 562-122
Fax: + 387 (0) 33 562-226
Sarajevo, Reisa Džemaludina Čauševića 1

